



六朝詩彙卷之八十

梁詩

劉孝綽

詠風四言

嫋嫋秋聲習習春吹鳴茲玉樹渙此銅池羅帷自舉  
襟袖乃披慙非楚侍濫賦雄雌

三光篇五言

藝文類聚  
作傅玄

三光垂表象天地有晷度聲和善響應形立影自附  
素日抱玄鳥明月懷靈兔

詠日應令

弭節馳暘谷照檻出扶桑園葵一何幸傾葉奉離光

望月

輪光缺不半扇影出將圓流光照潏潏波動映淪漣

林下映月

明明三五夜垂影當高樹攢柯半玉蟾裏葉彰金兔  
茲林有夜坐嘯歌無與晤側光聊可書含毫且成賦

望月有所思

秋月始纖纖微光隨步簷腫臃入林篔簹鬢鑑窻簾

簾螢隱光息簾蟲映光纖玉羊東北上金虎西南旻  
長門隔清夜高臺夢容色如何當此時懷情滿胸臆

對雪

桂華殊皎皎柳絮亦霏霏詎比咸池曲飄颻千里飛  
耻均班女扇羞儷曹人衣浮光亂粉壁積照朗彤闈

太子泱落日望水

川平落日迥落照滿川洋一作張復在淪波地派別引

沮漳耿耿流長脉熠熠動輕光寒鳥逐槎泛驚鶉拂

浪翔臨流一作自多美况此一作還故鄉榜人夜理

檝擢女闇成粧欲待春江曙爭塗向洛陽

春宵

春宵猶自長春心非一傷月帶圓樓影風飄花樹香  
誰能對雙燕暝暝守空牀

秋夜詠琴

上宮秋露結上客夜琴鳴幽蘭暫罷曲積雪更傳聲

秋雨卧疾

賈君徭役少潘生民務稀及此同多暇高卧掩重闈  
寂寂桑榆晚滂沱曠不晞電隙時光帳風簾乍扣扉

冬曉

冬曉風正寒偏念客衣單臨粧罷鉛黛含淚前綾紈  
寄語龍城下詎知書信難

冬日家園別陽羨始興

四鳥怨離羣三荆悅同處如今腰艾綬東南各殊舉  
且欣棠棣集彌惜光陰遽黠吏本須裁豪民亦難抑  
願勗千金水思聞五湖譽

夜不得眠

夜長愁反覆懷抱不能裁披衣坐惆悵當戶立徘徊

風音觸樹起月色度雲來夏葉依窻落秋花向座開  
光陰已如此復持憂自催

古意

燕趙多佳麗白日照紅粧蕩子十年別羅衣雙帶長  
春樓怨難守玉階悲自傷復此歸飛燕一作對此啣  
泥繞曲房差池入綺幕上下傍雕梁故居猶尚爾故  
人何可忘相思昏望絕宿昔夢容光魂交忽在御轉  
側定他鄉徒然顧枕席誰與同衣裳空使蘭膏夜烟  
燭對繁霜

擬古

少知雅琴曲好聽雅琴聲雅琴不可聽一聽一沾纓

釣竿

釣舟畫采鷁漁子服冰紈金轄茱萸網銀鈎翡翠竿  
斂橈隨水脉急槳渡江湍湍長自不辭前浦有佳期  
船交棹影合浦深魚出遲荷根時觸餌菱芒乍罾絲  
蓮渡江南手衣渝京兆眉垂竿自來樂誰能為太師

班婕妤怨

應門寂已閉非復後庭時况在青春日萋萋綠草滋

妾身似秋扇君恩絕屢綦詎憶遊輕輦徒令賤妾辭  
徒令一作從令

### 擢歌行

日暮楚江上江深風復生所思竟何在相望徒盈盈  
舟子行催棹無所喝流聲

### 烏夜啼

鷓絃且輟弄鶴操暫停微別有啼鳥曲東西相背飛  
倡人怨獨守蕩子遊未歸忽聞生離曲長夜泣羅衣

### 銅雀妓

雀臺三五日歌吹似佳期定對西陵晚松風飄素帷  
危絃斷更接心傷於此時何言留客袂翻掩望陵悲

### 三婦豔

大婦縫羅裙中婦料繡文唯餘最小婦窈窕舞昭君  
丈人慎勿去聽我駐浮雲

### 愛姬贈主人

臥久疑粧脫鏡中私自看薄黛銷將盡凝朱半有殘  
垂釵繞落鬢微汗染輕紈同羞不相難對笑更成懽  
妾心君自解挂玉且留冠

三日侍華光殿曲水宴

薰被三陽暮濯禊元巳初皇心睠樂飲帳殿臨春渠  
豫遊高夏諺凱樂盛周居復以禁林日丰茸花樹舒  
羽觴環堦轉清瀾傍席疏妍歌也嘹唳妙舞復紆餘  
九成變絲竹百戲起龍魚

侍宴

清宴延多士鴻私濫微薄臨茲出蕙樓望晨躋茵閣  
上征切雲漢俛眺周涼洛城寺鬱參差街衢紛漠漠  
禁林寒氣晚方狄未搖落皇心重發志賦詩追並作

自昔承天寵於茲被人爵選口非綺綃何以儼金腹

又

茲堂乃峭嶠伏檻臨曲池樹中望流水竹裏見攢枝  
欄高景難蔽岫隱雲易垂邂逅逢休幸朱躡曳青規  
丘山不可答葵藿空自知

春日從駕新亭應制

旭日輿輪動言追河曲遊紆餘出紫陌迤邐度青樓  
前驅掩蘭徑後乘歷芳洲春色江中滿日華巖上留  
江風傳葆吹巖花映采旂臨渦起睿作駟馬暫停輜

侍從榮前阮雍容慙昔劉空然等彈翰非徒嗟未道

侍宴餞庾於陵應詔

皇心眷將遠帳餞靈芝側是日青春獻林塘多秀色

芳卉疑綸組嘉樹似雕飾遊絲綴鶯領光風翔一作送

綺翼下輦朝既盈留宴景將晏高談競辨端一作高辨競談

端竒文爭筆力伊臣獨無技何用一作由奉歎一作息

侍宴餞張惠韶應制

滄池誠自廣蓬山一何峻麗景花上鮮油雲葉裏潤

風度餘芳滿鳥集新條振餞言班俊造光寵私輜恡

一作光私獎輜恡

徒然謬反隅何以窺重仞

餞張惠韶應令

鮮雲積上月凍雨晦初陽迴風飄淑氣落景煥新光

竹萌始防露桂挺已含芳瑤階變杜若玉沼發攢蔣

聖襟惜岐路曲宴闢蘭堂

侍宴集賢堂應令

北閣時見啓西園又已闢宮屬引鴻鷺朝行命金碧

伊臣獨何取隆恩徒自昔布武登玉墀委坐陪瑤席

綢繆參宴笑淹留奉觴醴壺人告漏晚煙霞起將夕



反景入池林餘光映泉石  
輾轅東北望江漢西南來羽旗映日移鏡吹臨風警  
令王愍追送纚一作纚舟宴俄頃掩袂眺征雲銜杯惜  
餘景侍讌徒有心局步何由聘

和昭明太子鍾山解講

御鶴翔伊水攀馬出玉田  
停鑾對寶坐辨論說人天  
淹塵資海滴照暗仰燈燃  
法明一已散迦劔儼將旋  
三日侍安成王曲水宴

匪畢良孔殷分區屏中縣  
跨躡兼流采矜唯邇封甸  
吾王奄艷畢析圭承羽傳  
不資魯俗移何待齊風變  
東山富遊士北土無遺彥  
一畫白璧輕片善黃金賤  
餘辰屬上巳清祓追前諺  
持此陽瀨遊復展城隅宴  
芳洲亘千里遠近風光扇  
方歡厚德重誰言薄遊倦  
與虞弟

下邑非上郡徒然想二馮  
余慙野王德爾勗聖鄉風  
望望餘塗盡悽悽良宴終  
朝蔬一不共夜被何由同  
歸沐呈任中丞昉

步出金華省還望承明廬壯哉宛洛地佳麗實皇居  
虹蜺拖飛閣蘭芷覆清渠圓淵倒荷芰方鏡寫簪裾  
白雲夏峰盡青槐秋葉疎自我從人爵蟾兔屢盈虛  
殺青徒已汗司舉未云書文昌愧通籍臨邛幸第如  
夫君多敬愛蟠木濫吹噓時時釋簿領騶駕入吾廬  
自嗤誠礪硤無似儷璠璣但願長閒暇酌醴焚枯魚

陪徐僕射晚宴

夫君追宴喜十日遞來過築室華池上開軒臨芰荷  
芳塘交密篠對雷接繁柯景移林改色風度水餘波

洛城雖半掩愛客待驪歌

答張左西

相思如三月相望非兩宮持此連枝樹暫作背飛鴻  
若人惠思我摘藻蔚雕蟲仙掌方晞露靈鳥正轉風  
方假排空翮相與北山叢

答何記室遜

遊子倦飄蓬瞻途杳未窮晨征凌迸水暮宿犯頽風  
出洲分去燕向浦逐歸鴻蘭芽隱陳葉荻苗抽故叢  
忽憶園間柳猶傷江際楓吾生棄武騎高視獨餘雄

既殫孝王產兼傾卓氏僮罷籍睢陽囿陪謁建章宮  
紛余似鑿枘方圓殊未工黑貂久自敝黃金屢已空  
去辭追楚穆還畊偶漢馮巧拙良為異出處嗟莫同  
若厭蘭臺右見訪灞陵東

酬陸長史倕

王粲始一別猶且歎風雲况余屢之遠與子亟離羣  
如何持此念復為今日分分悲宛如昨弦望殊揮霍  
行舟雖不見行程猶可度度君路應遠期寄新詩返  
相望且相思勞朝復勞晚薄暮閣人進果得承芳信

殷勤覽妙書留連披雅韻列洲財賦物慈山行旅鎮  
已切臨睨情遽動思歸引歸歟不可卽前途方未極  
覽諷欲諉誚研尋還慨息來喻勗雕金比質非所任  
虛薄無時用徘徊守故林屏居青門外結宇霸城陰  
條開風暫入葉合影還沉帷屏溽早露階雷擾昏禽  
衡門謝車馬賓席簡衣簪雖愧陽陵曲寧無流水琴  
蕭條聊永歌寂寞少知音平生竟何託懷抱共君深  
一朝四美廢方見百憂侵日余濫官守因之沂廬久  
水接淺原陰山帶荆門右從容少職事疲病疎僚友

命駕獨尋幽淹留宿廬阜廬阜擅高名岩岩凌太清  
舒雲類紫府標霞同赤城北上輪難進東封馬易驚  
未若茲山險車騎息逢迎山橫路似絕徑側樹如傾  
蒙籠乍一啓磔硤無暫平倚巖忽迴望援蘿遂上征  
乍觀秦帝石復憇周王城交峰隱玉雷對澗距金楹  
風傳鳳臺瑄雲度洛濱笙紫書時不至丹壚且未成  
無因追羽翮及爾宴蓬瀛蓬瀛不可託悵然反城郭  
時過馬鳴院偶憇鹿園閣既異人世勞聊此化城樂  
影塔圖花樹經臺總香藥月殿曜朱旛風輪和寶鐸

園接卽重嶺階基仍巨壑朝猿響覺棟夜水聲帷蕩  
餘景鷲登臨方宵盡談詭談詭有名僧慧義似傳燈  
遠師教逾闡生公道復弘小乘非汲引法喜招報能  
積迷頓已悟爲歡得未曾爲歡誠已往坐臥猶懷想  
況復心所積茲地多諧賞惜哉無輕軸更泛輪湖上  
可思不可見離念空盈蕩賈生傳南國平子相東阿  
優游匡贊罷縱橫詞賦多微才幸同貫無令絕末歌  
幽谷雖云阻煩君計吏過

報王永興觀田

重門寂已暮案牘罷翫塵輕涼生筍席微風起扇輪  
浮瓜聊可貴溢酒亦成珍復有寒泉井兼以瑩心神  
睠彼忘言客閉居伊洛濱顧已暫困地徒知薑桂辛  
但願崇明德無謂德無鄰

上虞鄉亭觀濤津渚學安仁體

昔予筮賓始衣冠仕洛陽無貲徒有任一命忝爲郎  
再踐神仙側三入崇賢旁東朝禮髦俊虛薄厠才良  
遊談侍名理搦管創文章引籍陪下膳橫經參上庠  
誰謂服事淺契闊變炎涼一朝謬爲吏結綬去承光

烹鮮徒可習治民終未長化雞仰季智馴雉推仲康  
此城隣夏穴楠蠹茂筠篁孝碑黃絹語神濤白鷺翔  
遨遊佳可望釋事上川梁秋江凍雨絕反景照移塘  
織羅殊未動駭水急如湯乍出連山合時如高蓋張  
漂沙黃沫聚觸石素波揚傍人不敢唱舟子詎能航  
離家復臨水眷然思故鄉中來不可絕奕奕苦人腸  
沂泗若無阻謝病反清涼

仲康魯  
恭字

贈美人

巫山薦枕日浴浦獻珠時一遇便如此寧關先有期

幸非使君問莫作羅敷辭夜長眠復坐誰知闌欵眉  
欲寄同花燭爲照遙相思

詠姬人未肯出

帷開見釵影簾動聞釧聲徘徊定不出常羞華燭明

代人詠見故姬雜體

留故夫不踟躕別待春山上相看採薜蘿

淇上戲蕩子婦

桑中始奕奕淇上未湯湯美人要雜珮上客誘明璫  
日闇人聲靜微步出蘭房露葵不待勸鳴瑟無暇張

翠釵挂已落羅衣拂更香如何嫁蕩子春夜守空牀  
不見青絲騎徒勞紅粉粧

遙見美人採荷

菱莖時繞釧棹水或沾粧不辭紅袖濕唯憐綠葉香

詠小兒採菱

採菱非採菜日暮且盈舸踟躕未敢進畏欲比殘桃

和詠歌人偏得日照詩

獨明花裏翠偏光粉上津屢將歌罷扇迴拂影中塵

同武陵王看妓

燕姬奏妙舞鄭女發清歌迴羞出慢臉送態表嚙娥  
寧殊遇行雨詎減見凌波想君愁日落應羨魯陽戈

登陽雲樓

吾登陽臺上非夢高唐客回首望長安千里懷三益  
顧惟慙入楚殊私等申白西徂水潦收瑕丘霜露積  
龍門不可見空慕凌寒柏

取一作昭

過渡浙江

季秋弦望後輕寒朝夕殊商人泣紈扇客子夢羅襦  
憂來自難遣况復阻川隅日暮愁陰合繞樹噪寒鳥

濛漠江煙上蒼茫沙嶼蕪解纜辭東越接岫驚西徂  
懸帆似馳驥飛棹若驚鳧言歸遊俠窟方從冠蓋衢

夕逗繁昌浦

日入江風靜安波似未流岸迴知舳轉纜解覺船浮  
暮煙生遠渚夕鳥赴前洲隔山聞戍鼓傍浦喧棹謳  
疑是辰陽宿於此逗孤舟

月半夜泊鵲尾

客行三五夜息棹隱中洲月光隨浪動山影逐波流  
櫟口守風

春心已應豫歸路復當歡如何此日風霾曠駭波瀾  
倏見搖心慘俄瞻鄉路難賴有同舟客移宴息層巒  
華茵藉初卉芳樽散緒寒詭浪雖云善江流苦未安  
何由入故園詎卽紉新蘭寄謝浮丘子暫欲假飛鸞  
江津寄劉之遴  
與子如黃鵠將別復徘徊經過一柱觀出入三休臺  
共攜雲氣藻同舉霞文杯流人每曉遊禁門恒晚開  
欲寄一言別高駕何由來

發建興渚示劉陸二黃門

扁舟去平樂還顧極川梁猶聞棗下吹尚識杏間堂  
洛橋分曲渚官寺隱回塘客行纔跬步卽事已多傷  
況復千餘里悲心未遽央

詠眼

含嬌睜已合離怨動還開欲知密中意浮光逐笑迴  
賦得遺所思

遺簪彫玳瑁贈綺織鴛鴦木若華滋樹交枝蕩子房  
別前秋已落別後春更芳所思不可寄唯憐盈袖香  
賦得照碁燭刻五分成



南皮絃吹罷終奕且留賓日下房櫳閉一作華燭命  
佳人側光全照局迴花半隱身不辭纖手倦羞今夜  
向晨

遙見隣舟主人投一物衆姬爭之有客請

余爲詠

河流旣浼浼河鳥復關關落花浮浦出飛雉度洲還  
此上倡家女競嬌桃李顏良人惜美珥欲以待芳官  
新縑疑故素盛趙茂衰班曳綃爭掩縠搖珮奪鳴環  
客心空振蕩高枝不可扳

詠素蝶

隨風遶綠蕙避雀隱青微映日忽爭起因風乍與歸  
出沒花中見參差葉際飛芳華幸勿謝嘉樹欲相依

詠百舌

山人惜春暮旭日坐花林復值懷春鳥枝間弄好音  
遷喬聲迥出赴谷響幽深下聽長而短時聞絕復尋  
孤鳴若無對百轉似羣吟昔聞屢歡昔今聽忽悲今  
聽聞非殊異遲暮獨傷心

賦得始歸鴈

洞庭春水綠衡陽旅鴈歸差池高復下欲向龍門飛  
於座應令詠梨花

玉壘稱津潤金谷詠芳菲詎匹龍樓下素蕊映華扉  
雜雨疑霰落因風似蝶飛豈不憐飄墜願入九重闈  
有人乞牛舌乳不付因餉檳榔

陳乳何能貴爛舌不成珍空持渝皓齒非但汙丹唇  
別有無枝實曾要湛上人差比朱櫻就詎易紫梨津  
莫言帶中父當看心裏新微芳雖不足含咀願  
六朝詩彙卷之八十

六朝詩彙卷之八十一

梁詩

劉孝威

奉和六月壬午應令

玄圃棲金碧虛澗挹瓊築山圖碣岫穿地控海潮  
雷奔石鯨動水闊牽牛搖乘黿猶却渡鞭石詎成橋  
崖崩下生窟壁峭上干霄躁蛙常獨沸游魚或自跳  
荒徑橫臨浦空舟斜插橈愁鴟集古樹白鷺隱青苗  
神心重丘壑散步還漁樵石累元卿徑枝挂許由瓢

伊臣本寂寞由來畏市朝為貪山水心所競難逍遙  
寄言周伯況勞君擅穀綃

重光詩四言

赫赫重光明明二聖帝作儲述禮和樂正中衢置樽  
高堂懸鏡其酌不窮其明愈盛德音孔昭民胥攸詠  
明明二聖赫赫重光風神灑落容止汪洋瞻彼談扇  
載抑載揚何其天辯如圭如璋顏閔函席游夏升堂  
以卿以士惟公惟王思媚儲后顧哉樂康芄芃黍苗  
陰雨膏之詵詵纓冕儲王導之道之以禮齊之以仁

理則探聖言則窮神訓于四國覃于萬民

侍宴林光殿曲水

蒸哉軒頊赫矣堯心女媧補石重華紫金湯羅禹扇  
羲瑟農琴皇乎備矣受命君臨試舟五反和樂九成  
鈎楯秘戲協律新聲丹杯水激絳綵葩榮天吳還往  
海若逢迎

辟厭青牛畫贊

秦山怒特吳渚神牛氣噓風噴精迴電流詎牽和鞅  
不入裴鞞狡力難京肆怒橫行朗陵瑩角介葛瞻聲

遁仙託稱妖寇馮名名震八區威陵五都蓄勇槽側  
息憤場隅仇覽獻豆滕嬰進菊雄兒楷式悍士規模  
曹興拂采徐邈成圖

正旦春雞贊

寶雞陳倉祠光表神雄飛帝漢雌鳴霸秦排膺激怒  
礪翅張暝電鞭失焰雷車折輪助標魏教擅場齊珍  
名流晉戟歌傳漢臣竊脂善盜搏穀難馴綠鸚智淺  
蒼鷹害深兼姿五德歸于翰音

奉和晚日五言

虬簷挂珠箔虹梁卷霧綃迷迭涵香長芙蓉逐浪搖  
飛輪轉羽扇翻車引落潮甘泉推激水迎風愁一作慙  
遠颺寄言王待詔因聲張子喬吾君安已樂無勞誦  
洞簫

詠雨藝文類聚作虞騫

清風送涼氣薄暮動炎氛虹照漣漪水電出嵯峨雲  
落暉散長足細雨織斜文

賀皇太子春林晚雨

雲樹交爲密雨日共成虹雷舒長男氣枝搖少女風

葉珠隨滴水簷繩下溜空蝶濡飛不颺花沾色更紅  
明離信養德能事畢春宮誰堪偶鳳吹唯有浮丘公

春宵

花開人不歸節煖衣須變迴釵挂反環拭淚繩春線  
今夜月輪圓胡兵必應戰

苦暑

暮一作暑日苦炎溽遷座接堦廊月麗嫦娥影星含織  
女光棲禽動夜竹流螢出閣墻香盤揉鮮粉雕壺承  
玉漿白羽徒垂握綠水自用堂弱紈猶覺重織絺尚

少涼美風思漢朔戲雨憶吳王玄冰術難驗赤道漏  
猶長誰能更吹律還令黍谷涼

奉和逐涼

鐘鳴夜未央避暑起徬徨長河似曳素明星若散璫  
倚岩欣石冷臨池愛水涼月織張敞畫荷妖韓壽香  
對此遊清夜何勞娛洞房

七夕穿針

縷亂恐風來衫輕羞指見故穿雙眼針特縫合歡扇  
奉和湘東王冬曉應令

妾家邊洛城，慣識曉鐘聲。鐘聲猶未盡，漢使報應行。  
天寒硯水凍，心悲書不成。

九日酌菊酒

露花疑始摘，羅衣自適熏。餘杯度不取，欲持嬌使君。

古體

朝日大風霜，寄事足交傷。葉落枝柯淨，常自起棊張。

思歸引

胡地憑良馬，懷驕負漢恩。甘泉烽火入，回中宮室燔。  
錦車勞遠駕，繡衣疲駿奔。貳師已喪律，都尉亦銷魂。

龍堆求援急，狐塞請先屯。櫪下驅雙駿，腰邊帶兩鞬。  
乘障無期限，思歸安可論。一作言

採蓮曲

金槳木蘭船，戲採江南蓮。蓮香隔浦度，荷葉滿江鮮。  
房垂易入手，柄曲自臨盤。露花時濕釧，風莖乍拂鈿。

小臨海

碣石望山海，留連降尊極。秦帝在鈎陳，漢家增禮秩。  
石橋終不成，桑田竟難測。蜃氣遠生樓，鮫人近潛織。  
空勞帝女填，詎動波神色。

半渡溪

本厠偏伍伴一戰殄凶渠制賜文犀節驛報紫泥書  
入營陳御蓋還家乘紫車皇恩知己重丹心恨不紆  
渡瀘且不畏凌溪嗟有餘

昇天行二首

乘橋追術士遠之蓬萊山靈液飛素波蘭桂上參天  
文豹遊其下翔鸞戲其巔乘風忽遠舉彷彿見衆僊

又

扶桑之所生乃在朝陽谿中心凌蒼皓布葉蓋天涯

日出登東幹旣夕沒西枝願得紆陽轡回日使東馳

隴頭水

從軍戎隴頭隴水帶沙流時觀胡騎飲常為漢國羞  
釁妻成兩劔殺子祀雙鉤頓取樓蘭頸就解邳支棗  
勿令如李廣功多不封侯

蜀道難

玉壘高無極銅梁不可攀雙流逆巖道九坂澁陽關  
鄧侯策馬度王生斂轡還斂轡懼身尤叱馭奉王猷  
若恡千里重誰為萬里侯戲馬吞珠界揚舲濯錦頭

沉犀厭怪水掘鏡表吳丘

樂府詩集止八句落句云懼身克此馭奉玉若猶慳

禺山金碧有光輝遷亭車馬尚輕肥彌想王褒擁節去復憶相如乘傳歸君平子雲寂不嗣江漢英靈信已稀

驄馬驅

十五宦期門二十屯邊徼犀羈玉鏤鞍寶刀金錯鞘一隨驄馬驅分受青蠅弔且令都護知願被將軍照誓使羶衣鄉掃地無遺噍

又

翩翩驄馬驅橫行復斜趨先救遼城危後拂燕山霧風傷易水湄日入隴西樹未得報君恩聯翩終不住

獨不見

夫婿結纓簪偏蒙漢寵深中人引臥內副車遊上林綬深瑯琊草蟬鑄武威金分家移甲第留妾住河陰獨寢鴛鴦被自理鳳凰琴誰憐雙玉筯流面復流襟

笑篋謠

結交在相得骨肉何必親甘言無忠實世薄多蘇秦



從風暫靡草富貴上昇人不見高巔樹摧圮下爲薪  
豈甘井中泥時至出作塵

公無渡河

請公無渡河河廣風威厲檣偃落金烏舟傾沒犀棹  
紺蓋空嚴祀白馬徒生祭銜石傷寡心崩城掩孀袂  
劍飛猶共水魂沉理俱逝君爲川后臣妾作江妃娣

東西門行

廣津寒欲歇聯檣密纜收天高匝近岫江闊少方舟  
餞淚留神眷離欸切私儔佇變齊兒俗當傳楚獻囚

徒然頌並命祗惡思如抽

結客少年場行

少年本六郡遨遊遍五都插腰銅七首障日錦塗蘇  
鷲羽裝銀鏑犀膠飾象弧近發連雙兔高彎落九烏  
透城多警急節使滿郊衢居延箭箠盡疎勒井泉枯  
家都護接何由憚險途千金募惡少一麾擒骨都  
勇餘聊蹴鞠戰罷戲投壺昔爲北方將今爲南面孤  
邦君行負弩縣令且前驅

雞鳴篇雜體

埒雞識將曙長鳴高樹巔啄葉疑彰羽挑花彊欲前  
意氣多驚舉飄颺猶無侶陳思助鬪協狸膏邱昭妬  
敵安金距丹山可愛有鳳凰金門飛舞有鴛鴦何如  
五德美豈勝千里翔

鬪雞篇五言

丹雞翠翼張妬敵復專場翅中含芥粉距外耀金芒  
氣踰上黨烈名貴下韝良祭橋愁魏后食跖忌齊王  
願賜淮南藥一使雲間翔

妾薄命篇

去年從越障今歲歿胡庭嚴霜封碣石驚沙暗井陘  
玉簪爰落鬢羅衣長挂屏浴蠶思漆水挑桑憶鄭垌  
寄書朝鮮吏留釧武安亭勿言戎夏隔但念心契冥  
不見豐城劍千祀復同形

苦辛篇

蒲生伊何陳曲中多苦辛黃金坐銷鑠白玉遂溜磷  
裂衣工毀嫡掩袖切讒新嫌成跡易已愛去理難申  
秦雲猶變色魯日尚迴輪妾歌已腸斷君心終未親  
行行且遊獵篇

之果講射所上林娛獵場選徒驕楚客詔狩誇胡王  
罕車已戒道風鳥復落行飲飛具贈繳材官命蹶張  
高置掩月兔勁矢射天狼蹶地不遑逸排虛豈及翔  
日暮勾陳轉風清鏡吹颺歸來宴平樂寧肯滯禽荒

烏生八九子

城上烏一年生九雛枝輕巢本狹風多葉早枯毳毛  
不自煖張翼強相呼金拆巖兮翠樓肅蜃壁光兮椒  
泥馥虞機銜網不得施猜鷹鷲隼無由逐未願共棲  
氏冠同瑞周王屋莫啼城上寒猶賢野間宿羽成

翮備各西東下年賦命有窮通不見高飛帝輦側遠  
托日輪中尚逢王吉箭猶嬰夏羿弓豈如變彩救燕  
質入夢祚昭公流聲表師退集幕示營空靈臺已鑄  
象流蘇時候風

雀乳空井中

遠去條支國心知漢德優聊棲丞相府過令黃霸羞  
拔子須閑地空井共尋求轆轤絲縷絕桔槔金蘇稠  
將憐羽翼長唯辭各背遊

東飛伯勞歌

雙棲翡翠兩鴛鴦  
巫雲洛月乍相望  
誰家妖冶折花枝  
袖長釧重任風吹  
金鋪玉鎖琉璃扉  
花鈿寶鏡織成衣  
美人年幾可十餘  
含羞騁笑斂風裾  
珠丸出彈不可追  
空留可憐持與誰

怨詩  
空在中

退寵辭金屋見譴斥  
甘泉枕席秋風起  
房櫳明月懸燭避  
窓中影香迴爐土  
煙丹庭斜草徑素  
壁點苔錢歌起蒲  
生曲樂奏下山弦  
新聲昔廣宴餘杯  
今自傳王嬙向絕  
漠宗女入邾連鴈  
書猶未返角馬無  
歸年

昭臺有媵御曾坂無棄  
指後薪隨復積前魚誰復憐

愛妾換馬

驄馬出樓蘭一步九般  
桓小史贖金絡良工送玉鞍  
龍驂來甚易烏孫出實難  
麟膠妾猶有請為急弦彈

望棲鳥

夕鳥飛參差單雄雜寡雌  
聯翩歸葉裏出沒噪林垂  
爭棲時易樹驚飛忽度枝  
雖無繫書重亦有含纓疲  
以茲憔悴力重逢輕薄兒  
珠丸蘇合彈金繳青絲縻  
豈意翩翩羽遂免更羸危  
入懷欣得地依林竊願知

侍宴賦得龍沙宵月明

鵲飛空繞樹丹輪殊未圓  
嫦娥望不出桂枝梢隱殘  
落照移樓影浮光動塹瀾  
櫪馬悲笳吹城烏啼塞寒  
傳聞機杼妾愁余衣服單  
當愁絲已脆銜啼織復難  
歛眉雖不樂舞劔強為歡  
請謝函關吏行當封一九

三日侍皇太子曲水宴

二龍巡夏代八駿馭周朝  
豫遊光帝則樂飲盛民謠  
皇儲遵洛楔濫觴追灞橋  
掌楔開神籞司馬動鸞鑣  
周旗交采旄晉鼓雜清簫  
旌宮臨廣隰御衛樂巖椒

蘭樽沿曲岸靈若沂迴潮

行幸甘泉宮

漢家迎夏異避暑甘泉宮  
機車鳴里鼓駟馬駕相風  
校尉烏桓騎侍制樓煩弓  
一作宮後旌遊五柞前笳度  
九嶼才人豹尾內御酒屬車中輦回  
百子閣扇動七輪風鳴鐘休衛士披圖召後宮  
材官促校獵秋來一作

涼戲射熊

奉和簡文帝太子應令

太子天下本元良萬國貞周朝  
推上嗣漢代紀重明

前星涵瑞彩洊雷揚遠聲三善傳樂正百行紀司成  
九流遍已辨七經咸所精博聞強子政高才陵長卿  
禮尊逾屈已德盛益卑情仙氣貽鍾相儒道推桓榮  
延賢博望苑視膳長安城園綺隨金輅浮丘侍玉笙  
智囊前歛笏端士後垂纓九仙良所重四海更誰傾  
班輪同策乘甲館齊蓬瀛

和簡文帝臥疾

玉躬耗寒暑羣望崇珪璧仁祀盛黃縑禮壇優紺席  
億均楚疾愈俄同宋年益豈勞誦賦臣寧用觀瀾客

和定襄王初筭

合鬢仍昔髮畧鬢卽前絲從今一梳罷無復更縈時  
同集徐晉安兒宅晚宴

夫君退宴喜十日遞來過築室華池上開軒臨芟荷  
方塘交密篠對雷接繁柯影移林改色風度水餘波  
洛城雖半掩愛客待驪歌

望雨

清陰蕩暄濁飛雨入堦廊瞻空亂無緒望雷耿成行  
交枝含曉潤雜葉帶新光浮芥離還聚沿漚滅復張

浴禽飄落毳風荇散餘香璫綃挂繡幕象簾列華牀  
侍童拂羽扇厨人奉盞觴寄言楚臺客雄風詎獨涼

登覆舟山望湖北

紫川通太液丹岑聯少華堂皇更隱映松灌雜交加  
荇浦浮新葉漁舟繞落花浴童爭淺岸漂女擇平沙  
極望傷春日迴車歸狹邪

帆度吉陽州

江風凌曉急征鼓候晨催幸息榜人唱聊望高帆開  
聯村倏忽盡循汀俄頃回疑是傍洲退似覺前山來

將與圖南競誰云勞汧泗

江風一作海潮

出新林

芒山瞻洛邑函谷望秦京遙分承露掌遠見長安城  
故鄉已可識遊子必勞情霧罷前林曠風息涌川平  
坐觀春潮落漸見夕煙生無由一羽化徒想御風輕

行還值雨又爲清道所駐

齊楚磐石貴韓吳異姓王俱乘早朝罷相隨出建章  
喧呼驚里閭叫咷駭康莊阜駟同隼擊青橐似鷹揚  
掖門南北遠複道東西長幡旗爭絡繹官騎鬱相望

微風生榮傳輕雨潤帷裳油衣紛競道小蓋列成行  
八舍便繁密五營輿服光回車避司隸俄軒揖內郎  
況余白屋士自依卑路傍日月雖臨照及陋難明敷  
早榮羞日及晚知慙豫章徒抱凌雲志終愧摩天翔  
安能久淪辱圖南會有方

賦得鳴棘應令詩

雜扇雖俱歛交行忿自分轉袖時繞腕揚履自開裙

賦得香出衣雜體

香出衣步近氣逾飛博山登高用鄴錦含情動麝比

洛妃香纓麝帶逢金縷瓊花玉勝綴珠微蘇合香  
微恨歇都梁路遠恐非新猶賢漢君芳千里尚笑  
令止三句

賦得曲澗

澗流急易轉溪一作水暗難開近樓俄已失前洲忽

蕩一作復迴石岸生寒蘚沈根漬水苔菱舟失道去歸

鳧迷徑來

楔飲嘉樂殿詠曲中燭影

火浣花心猶未長金枝密焰已流芳芙蓉池畔涵停



影桃花水脉引行光

詠剪綵

葉舒非漸大花發是初開無論人訝似蜂見也爭來  
詠佳麗

可憐將可念可念直千金唯言有一恨恨不遂人心

郟縣遇見人織率爾成詠寄婦

妖姬含怨情織素起秋聲度梭環玉動踏躡珮珠鳴  
經移疑杼澁緯斷恨絲輕蒲桃始欲罷鴛鴦猶未成  
雲棟共徘徊紗窓相向開窓疎眉語度紗輕眼笑來

隴隴隔淺紗的的見粧華鏤玉同心帶雜寶連枝花  
紅衫向後結金簪臨鬢斜機頂挂流蘇機傍垂結珠  
青絲引伏兔黃金繞轆轤艷彩裙邊出芳脂口上渝  
百城交問遺五馬共踟躕直爲閨中人守故不要新  
夢啼漬花枕覺淚濕羅巾獨眠真自難重衾猶覺寒  
逾憶凝脂緩彌想橫陳歡行驅金絡騎歸就城南端  
城南稍有期想子亦勞思羅衣久應罷花釵堪更治  
新粧莫點黛余還自畫眉

枯葉竹

六朝詩彙卷之八十一  
枯楊猶更綠臥柳尚還生勿嫌鳳不至終當待聖明

望隔墻花

隔墻花半隱猶見動花枝當由美人摘詎止春風吹

六朝詩彙卷之八十一

六朝詩彙卷之八十二

梁詩

劉孝勝

升天行

堯攀已徒說湯捫亦妄陳欲訪青雲侶正遇丹丘人  
少翁俱仕漢韓終苦入秦汾陰觀化鼎瀛洲宴羽人  
廣成參日月方朔問星辰驚祠伐楚樹射藥戰江神  
閭闔皆曾倚太一豈難親趙簡猶聞樂周儲固上賓  
秦皇多忌害元朔少寬仁無良終有以非關德不鄰

武溪深行

武溪深不測水安舟復輕暫似莊生釣還滯鄂君行  
櫂歌爭後發譟鼓逐前征秦上山川險黔中木石并  
林壑秋風急猿哀夜月明澄源本千仞回峯忽萬縈  
昭潭讓無底太華推削成日落野通氣日極悵餘情  
下流曾不濁長邁寂無聲羞學滄浪水濯足復濯纓

妾薄命

馮姜朝汲遠徐吾夜火窮舊井長逢暮隣燈欲未通  
五逐無來聘三娶盡凶終離災陽祿觀就廢昭臺宮

乘屯迹雖淑應戚理恒同復傳蘇國婦故愛在房櫳  
愁眉歛巧黛啼妝落艷紅織書凌寶錦敏誦軼繁弓  
離劒行當合春牀勿怨空

詠益智

挺芳銅嶺上擢穎石門端連叢去本葉雜和委雕盤  
寧推不迷草詎減聰明丸儻逢公子宴方厭未夜歡

劉孝先

和兄孝綽夜不得眠

夜愁眠不安起望臺南端葉慘風聲異樓空月色寒

笙冷調簧數絃脆上琴難百年行詎幾萬慮空相攢  
誰家有明鏡暫借照心看

草堂寺尋無名法師

飛鏡點青天橫照滿樓前深林生夜冷復閣上霄煙  
葉動花中露湍鳴暗裏泉竹風聲若雨山蟲聽似蟬  
摘果仍荷藉酌水用花傳一卮聊自飲萬事且蕭然

和無名法師秋夜草堂寺禪房月下

幽人住山北月上照山東洞戶臨松徑虛窻隱竹叢  
出林避炎影步徑逐涼風平雲斷高岫長河隔淨空

數螢流暗草一鳥宿疎桐興逸煙霄上神閑宇宙中  
還思城闕下何異處樊籠

竹

竹生荒野外稍雲聳百尋無人賞高節徒自抱貞心  
耻染湘妃淚羞入上宮琴誰能制長笛當為吐龍吟

春宵

夜樓明月弦露下百花鮮情多意不設啼罷未歸眠  
燉煌定若遠一信動經年

閨中曉

晨霞影翠帷思婦織霜絲經寒牽杼澁釧冷調梭遲  
乍廢倡樓粉貪赴遠人期

劉孝標

出塞

薊門秋氣清飛將出長城絕漠衝風急交河夜月明  
陷敵捲金鼓摧鋒揚旆旌去去無終極日暮動邊聲

始居營室

自昔厭喧囂執志好棲息嘯歌棄城市歸來事耕織  
鑿戶闢巖曉開軒望漸唼激水簷前溜脩竹堂陰植

香風

系鷲高梧巢綠翼泉脉動沓沓流波下不極  
髣髴山隈響像瑤池側夜誦神仙記旦吸雲霞色  
將馭六龍輿行從三鳥食誰與金門士撫心論曾臆

江州還入石頭

鼓枻浮大川延睇洛城觀洛城何鬱鬱杳與雲霄半  
前望蒼龍門斜瞻白鶴館槐垂御溝道柳綴金隄岸  
迅馬晨風趨輕輿流水散高唱梁塵下絙瑟翔禽亂  
我思江海遊曾無市朝玩忽寄靈臺宿空軫及關歎  
仲子入南楚伯鸞出東漢何能棲樹枝取斃王孫彈

劉孝儀  
從軍行

冠軍親挾射長平自合圍木落彫弓燥氣秋征馬肥  
賢王皆屈膝幕府復申威何謂從軍樂徃反速如飛  
和昭明太子鍾山講解  
詔樂臨東序時駕出西園雖窮禮游盛終爲塵俗喧  
豈如弘七覺揚鸞起四門夜氣清簫管曉陣鏢郊原  
山風亂采眊初景麗文轅林開前騎騁途曲羽旄屯  
煙壁浮青翠石瀨響飛奔迴輿下重閣降道訪真源

談空匹泉涌綴草邁彌繁輕生逢遇誤並作輦龍鷄

賽漢高廟

珪幣崇明祀牲尊禮貴神風驚如集廟光至似來陳  
徘徊靈駕入叫吽唱歌新將言非爲已致敬乃祈民  
多才與多事今古獨爲隣

行過康王故第苑

入梁逢故苑度薛見餘宮尚識招賢館猶懷愛士風  
光靈一超遠衡館亦蒙籠洞同餘舊色甘棠留故藂  
送禽悲不去過客慕難窮池竹徒如在林堂暖已空

遠橋隔樹出迴澗隱崖通芳流小山桂塵起大王風  
具物咸如此是地感予衷

帆度吉陽州

揚帆乘浪華參鼓一作澡風力近樹儵而遐遙山  
俄已逼欲此驚龍掣將頓陽鳥翼客行悲道遠唯須  
前路極

閨怨

本無金屋寵長作玉階悲一乖西北麗寧復城南期  
求巷愁無歇應門閉有時空勞織素巧徒為團扇詞

匡牀終不共何由橫自私

詠織女

金鈿已照耀白日未蹉跎欲待黃昏後含嬌淺渡河

詠簫

危聲合鼓吹絕弄混笙篴管饒知氣促叙動覺唇移  
仙史安為貴能令秦女隨

和詠舞二首

迴履裾香散飄衫釧響傳低釵依依促管曼睇入繁絃

其二

轉袖隨歌發頓履赴絃餘度行過接手迴身乍歛裾  
舞就行

依歌移弱步傍燭艷新妝徐來翻應節亂去反成行  
詠石蓮

蓮名堪百萬石姓重千金不解無情物那得解人心

六朝詩彙卷之八十二

六朝詩彙卷之八十三

梁詩

銜苞

望夕雨

崇朝遘行雨薄晚屯密雲緣堦起素沫落水散圓文  
河柳低未舉山桃落已芬清罇久不薦淹留遂待君

九日侍宴樂遊苑

六郡良家子幽并遊俠兒立乘爭飲羽側騎競紛馳  
鳴珂飾華眊金鞍映玉羈膳羞殫海陸和齊眡秋宜



雲飛雅琴奏風起洞簫吹曲終高宴罷景落樹陰移  
微薄承嘉惠飲德良不貲取效績無紀感恩心自知

王籍

揚舲橫大江乘流任蕩蕩輕橈暮不息復逐夜潮上  
時見湘水仙恒聞解佩響

入若耶溪

餘艖何汎汎空水共悠悠陰霞生遠岫陽景逐迴流  
蟬噪林逾靜鳥鳴山更幽此地動歸念長年悲倦遊

銜瑗

在縣中庭看月

移榻坐庭陰初弦時復臨侍兒能勸酒貴客解彈琴  
栢葉生鬟內桃花出髻心月光移數尺方知夜已深

看美人摘薔薇

新粧臨曲池佳麗復相隨鮮紅同映水輕香共逐吹  
繞架尋多處窺叢見好枝今新猶恨少將故復嫌萎  
釵邊爛熳插無處不相宜

庾成師

遠期篇

憶別春花飛已見秋葉稀  
淚粉羞明鏡愁帶減寬衣  
得書言未反夢見道應歸  
坐使紅顏歇獨掩青樓扉

徐君禧

初春携内人行戲

梳飾多今世衣着一時新  
草短猶通屨梅香漸着人  
樹斜牽錦帔風橫入紅輪  
滿酌蘭英酒對此得娛神  
共内人夜坐守歲

歡多情未極賞至莫停杯  
酒中喜桃子粽裏覓楊梅

簾開風入帳燭盡炭成灰  
勿疑鬢釵重為待曉光催

別儀陽郡雜體

翔鳳樓遙望與雲浮  
歌聲臨樹出舞影入江流  
葉落看村近天高應向秋

又

飾面亭粧成更點星  
頰上紅疑淺眉心黛不青  
故留殘粉絮挂看箔簾釘

王臺卿

詠風

侵望不可識去來非有情乍見珠簾捲時覺洞房清  
暫拂蘭池上澗淡玉塵生一辨雄雌異還惡庶人輕  
雲歌  
玉雲初度色金風送影來全生疑魄暗半去月時開  
欲知無處所一爲上陽臺

香林並天高旦歌

一旦被頭痛避頭還着牀自無親伴侶誰當給水漿  
匍匐入山院正逢虎與狼對虎低頭啼垂淚淚千行

和簡文帝賽漢高帝廟

沐芳似椒醕駕言遵壽宮瑤臺斜插岫玉殿上凌空  
樹出重嵒影竹引帶山風階長霧難歇窓高雲易通  
所悲樽俎撤按歌猶未終

和望同泰寺浮圖

朝光正晃朗涌塔標千丈儀鳳異靈烏金盤代仙掌  
積棋承雕栢高簷挂珠網寶地若池沙風於如樹響  
刻削生千變丹青圖萬象煙霞時出沒神仙乍來往  
晨霧半層生飛幡接雲上

山池應令

歷覽周仁智登臨懽豫多穿渠引金谷闢道出銅駝  
長橋時跨水曲閣乍臨波巖風生竹樹池香出芰荷  
石幽樹細草林末度橫柯

臨滄波

高軒臨不測清江窮廣深天邊生岸影水上結雲陰  
風來白華起潮滿黃沙泥

泛江

春江下白帝畫舸向黃牛錦纜迴沙磧蘭橈避荻洲  
濕花隨水泛空巢逐樹流岸社多喬木山城足迥樓

蕩婦高樓月

空庭高樓月非復三五圓何須照牀裏終是一人眠

南浦別佳人

歛容送君別一歛無開時只應待相見還將笑解眉

水中樓影

飄飄似雲度亭亭如蓋浮孰看波不動還是映高樓

箏

依歌時轉韻按曲動花鈿促調移輕柱亂手度繁絃  
惟有高秋月秦聲獨可憐

陌上桑

鬱鬱陌上桑盈盈道傍女送君上河梁拭淚不能語

其二

鬱鬱陌上桑遙遙山下蹊君去成萬里妾來守空閨

其三

鬱鬱陌上桑皎皎雲間月非無巧笑姿皓齒為誰發

其四

鬱鬱陌上桑裊裊機頭絲君行亦宜返今夕是何時

採桑

令月開和景處處動春心挂筐須葉滿息倦重枝陰

春時劉緩

遊仙

稅駕倚扶桑逍遙望九州二老佐軒轅稱戈戮蚩尤

功成棄之去乘龍上丹丘一作天遊天上見玉皇壽與天

地休俯視崑崙宮五城十二樓王母何窈眇玉質清

且柔揚袂折瓊芳寄我天東頭相思千萬歲大運浩

悠悠安用知吾道日月不能周寄音青鳥翼謝爾碧

海流

名士悅傾城

不信巫山女不信洛川神何關別有物還是傾城人  
經共陳王戲曾與宋家隣未嫁先名玉來時本姓秦  
粉光猶假面朱色不勝唇遙見疑花發聞香知異春  
釵長逐鬢鬢小稱腰身夜夜言嬌盡日日態還新  
已傾荀奉倩能迷石季倫上客徒留目不見正橫陳

江南可採蓮

春初北岸涸夏月南湖通卷荷舒欲倚芙蓉正卽紅  
穢小宜回逕船輕好入叢釵光逐影亂衣香隨逆風

江南少許地年年情不窮

奉和玄圃納涼聖製

清氣流暄濁非關狹室中當由小堂上自有大王風  
蟪蛄動蘭室神飈起桂叢披襟深睿賞曲巷何由同  
和晚日登樓

所以登臺榭正重接烟霞長虹觸闌斷歸鳥避空斜  
俯巢窺暝宿臨樹摘高花百雉時方晚九層光尚賒  
左右新婚

小使如初日得婦類行雲琴聲妾曾聽桃子壻經分

蛾眉參意畫繡被共籠薰偏增使君愛無趣遣相聞

秋夜

樓上起秋風絕望秋閨中燭溜花行滿香燃奩欲空  
徒教兩行淚俱浮粧上紅

冬宵

別後春池異荷盡欲生冰箱中剪刀冷臺上面脂凝  
織腰轉無力寒衣恐不勝

寒閨

不堪寒夜久夜夜守空牀衣裾逐座鐫釵影近燈長

無憐四幅錦何須辟惡香

鄧鏗

閨中月夜

閨中日已暮樓上月初華樹陰緣砌上牕影向牀斜  
閨帷傷隻鳳吹燈惜落花誰能當此夕獨處類倡家

和陰梁州雜怨

暫別猶添恨何忍別經時蓑桂頻銷葉庭樹幾攀枝  
君言妾貌改妾畏君心移終須一相見併得兩相知

奉和夜聽妓聲

燭華似明月鬢影勝飛橋妓兒齊鄭樂爭妍學楚腰  
新歌自作曲舊瑟不須調衆中俱不笑座上莫相撩

朱超道

對雨

當夏苦炎埃習靜對花臺路照依山盡浮涼帶雨來  
重雲出飛電高棟響行雷酒榭輕花發滴沼細萍開  
汎沫縈階草奔流起砌苔無因假輕蓋徒然想上才

舟中望月

大江闊千里孤舟無四鄰唯餘故樓月遠近必隨人

入風光遶暈排霧急移輪若教長似扇堪拂艷歌塵

歲晚沉疴

風將夜共靜空與月俱明燭滴龍猶伏鑪開鳳欲驚  
葉飛林失影冰合澗無聲太息興牀念寧敢離衣行  
唯畏殘藤盡不聞桴鼓鳴

夜泊巴陵

月夜三江靜雲霧四邊收淤泥不通挽寒浦劣容舟  
迴風折長草輕冰斷細流古村空列樹荒戍久無樓

贈王僧孺



故人總連率方舟下漢池玉節交橫映金鏡前後吹  
聚圖匡漢業傾產救韓危昔時明月夜蔭羽切高枝  
冲天勢已遠控地力先疲各言獻捷後幾處泣生離

道別席中兵

數年共遊息一旦各聯翩莫論行近遠終是隔山川  
長波漫不極高岫鬱相連急風亂還鳥輕寒靜暮蟬  
扁舟已入浪孤帆漸逼天停車對空渚悵望轉依然  
送別不及贈殷何二記室

憑軾徒下淚裁書路已賒遠鼓依林響連檣倚岸斜  
山開雲吐秀風噴浪生花卽此余傷別何論爾望家  
二君勗琰琬無使沒泥沙

賦得蕩子行未歸

坐樓愁出望息意不思春無柰園中柳閑時已報人  
捉梳羞理鬢挑朱懶向唇何當上路晚風吹還騎塵  
採蓮曲

艷色前後發緩楫去來遲看妝礙荷影洗手畏菱滋  
摘除蓮上葉挖出藕中絲湖裏人無限何日滿船時

詠同心蓮

青山麗朝景玄峰朗夜光未及清池上紅蕖並出房  
日分雙蒂影水合兩花香魚驚畏蓮折龜上礙花長  
雲雨留輕潤草木應嘉祥徒歌涉江曲誰見緝為裳

剪綵花

淺深依樹色舒卷聽人裁假令春已度終住手中開  
鏡

折花須自插不用暫臨池當由可憐面偏與鏡相宜  
安釵釧獨響刷鬢袖俱移唯餘心裏恨影中恒不知

孤石

侵霞去日近鎮水激流分對影疑雙闕孤生若斷雲  
遏風靜華浪騰煙起薄曛雖然一作言近七嶺獨立不

成羣

一作獨高  
成不羣

城上烏

朝飛集帝城猶帶夜啼聲近日毛雖暖聞弦心尚驚

獨棲鳥七言

河水聞寒已成凍塞草愁霜懸自衰可憐無端失林  
鳥此夜逆風何處歸列網遮山不聽度懸冰繞樹滑  
難依細石似燕能隨雨片木作鳶猶解機但令積風

多少便何患有翼不能飛寄語故林無數鳥會入羣  
裏比毛衣

紀少喻

遊建興苑

丹陵抱天邑紫泉更上林銀臺懸百仞玉樹起千尋  
水流冠蓋影風揚歌吹音踟躕憐拾翠顧步惜遺簪  
日落庭光轉方憶屢移陰終言樂未極不道愛黃金

擬吳均體應教

庭樹發春輝遊人競下機却匣擊歌扇開廂擇舞衣

桑萎不復惜看花遽將夕自有專城居空持迷上客

詠月中飛螢

遠度時依幕飛來如畏牕向月光還盡臨池影更雙

殘燈

殘燈猶未滅將盡更揚輝唯餘一兩燄纔得解羅衣

何思澄

擬古

故交不可忘猶如蘭桂芳新知雖可悅不異茱萸香  
妾有鳳雛曲非無陌上桑薦君君不御抱瑟自悲涼

賦得班婕妤

寂寞長信晚雀聲  
愁洞房蜘蛛網  
高閣駁薛被長廊  
虛殿簾帷寂  
聞堦花蕊香  
悠悠視日暮  
還復守一作拂  
空牀

南苑逢美人

洛浦疑迴雪  
巫山似旦雲  
傾城今始見  
傾國昔曾聞  
媚眼隨羞合  
丹唇逐笑分  
風捲蒲桃帶  
日照石榴裙  
自有狂夫在  
空持勞使君

聞人蒨

愁人試出牖  
春色定無窮  
參差依網日  
沈蕩入簾風  
落花還繞樹  
輕飛去隱空  
徒令玉筯泣  
雙垂明鏡中  
高臺動春色  
清池照日華  
綠葵向光轉  
翠柳逐風斜  
林有驚心鳥  
園多奪目花  
相與咸知節  
歎子獨離家  
人行今不返  
何勞空折麻

吳孜

春閨怨

玉關信使斷借問不相諳春光太無意窺窓來見參  
分與光音絕忽值日東南柳枝皆翺燕桑葉復催蠶  
物色頓如此孀居似不堪

王規

高臺暈木大言應令日華熱葵向日轉翠叶逐風徐  
俯身望日入下視見星羅噓入風而為氣吹四海而  
揚波

曠而難航

孔翁歸

擬班婕妤怨

長門與長信日暮九重空雷聲聽隱隱車響絕瓏瓏  
恩光隨妙舞團扇逐秋風鉛華誰不慕人意自艱終

楊暉

詠舞

紅顏自燕趙妙妓邁陽阿就行齊逐唱赴節閣相和  
折腰送餘曲歛袖待新歌顫容生翠羽慢睇出橫波

雖稱趙飛燕比此語成多  
醜容主翠  
下對  
出對

姚翻

採桑

鴈還高柳北春歸洛水南  
日照茱萸領風搖翡翠簪  
桑間視欲暮閨裏遽饑蠶  
相思君助取相望妾那堪

六朝詩彙卷之八十三

六朝詩彙卷之八十四

梁詩

費昶

和蕭記室春旦有所思

芳樹發春輝  
蔡子望青衣  
水逐桃花去  
春隨楊柳歸  
楊柳何時歸  
裊裊復依依  
已蔭章臺陌  
復掃長門扉  
獨知離心者  
坐惜春光遠  
洛陽遠如日  
何由見宓妃

春郊見美人

芳郊拾翠人  
迴袖捲芳春  
金輝起步搖  
紅彩發吹輪

揚揚蓋頂日飄飄馬足塵薄暮高樓下當知妾姓秦  
秋夜涼風起

佳人在河內征夫鎮馬邑零露一朝團中夜兩垂泣  
氣爽牀帳冷天寒針鏤澁紅顏本暫時君還詎相及

詠入幌風

經堂汎寶瑟乘隙動浮埃鏘金驅響至舉袂送芳來  
能使蘭膏滅乍見珠簾開輕裾試一舉令子暫遲迴  
華觀省中夜聞城外擣衣

閶闔下重關丹墀吐明月秋氣城中冷秋砧城外發  
浮聲繞雀臺飄響度龍闕宛轉何藏摧當從上路來  
藏摧意不已定自乘軒裏乘軒盡世家佳麗似朝霞  
圓瑤耳上照方繡領間斜衣薰百和屑鬢插九枝花  
昨暮庭槐落今朝羅綺薄拂席捲鴛鴦開溫舒龜鶴  
金波正容與玉步依砧杵紅袖往還縈素腕參差舉  
徒聞不得見獨夜空愁佇

其二

獨夜何窮極懷之在心惻階垂玉衡露凝舞松風翼  
瀝滴流星輝燦爛長河色三冬誠足用五日無糧食

揚雲已寂寥今君復弦直

詠照鏡

晨輝照杏梁飛燕起朝妝留心散廣黛輕手約花黃  
正釵時念影拂樹且憐香方嫌翠色故乍道玉無光  
城中皆半額非妾畫眉長

芳樹

幸被夕風吹屢得朝光照枝低疑欲舞花開似會笑  
長夜踏悠悠所思不可召行人早旋返賤妾猶年少  
有所思

上林鳥欲棲長門

一作安

日行

一作將

暮所思鬱不見空

想丹墀步簾動意君來雷聲似車度北方佳麗子窈  
窕能回顧夫君自迷惑非為妾心妬

長門怨

向夕千愁起自悔何嗟及愁思且歸牀羅襦方掩泣  
絳樹搖風軟黃鳥弄聲急金屋貯嬌時不言君不入

採菱曲

妾家五湖口採菱五湖側玉面不關妝雙眉本翠色  
日斜天欲暮風生浪未息宛在水中央空作兩相憶



思公子

公子才氣饒凌雲自飄飄東出關雞道西登飲馬橋  
夕宴銀為燭朝燔桂作焦虞卿亦何命窮極苦無聊

巫山高

巫山光欲晚陽臺色依依彼美巘之曲寧知心是非  
朝雲觸石起暮雨潤羅衣願解千金珮請逐太玉歸

發白馬

家本樓煩俗召募羽林兒怖羌角觝戲習戰昆明池  
弓弣不復挽劍衣恒露鉞一辭豹尾內長別屬車垂

白馬今雖發黃河未結澌寄言閨中婦逢春心勿移

行路難二首

君不見長安客舍門倡家小女名桃根貧窮夜紡無  
燈燭何言一朝奉至尊至尊離宮百餘處千門萬戶  
不知曙唯聞啞啞城上烏玉欄金井牽轆轤丹梁翠  
柱飛屠一作流蘇香薪桂火炊雕胡當年翻覆無常定  
薄命為女何必麤

又

君不見人生百年如流電心中坎壈君不見我昔初

入椒房時詎減班姬與飛燕朝踰金梯上鳳樓暮下  
瓊鉤息鸞殿柏梁晝夜香錦帳自飄颺笙歌棗下曲  
琵琶陌上桑過蒙恩所賜餘光曲沾被既逢陰后不  
自專復值程姬有所避黃河千年始一清微軀再逢  
永無議娥眉偃月徒自妍傅粉施朱欲誰為不如天  
淵水中鳥雙去雙飛長比翅

陽春發和氣

日靜班姬門風輕董賢館卷耳緣堦出反舌登墻喚  
蠶女桂枝鉤遊童蘇合彈拂袖當留客相逢莫相難

李鏡遠

詠日

始臨東嶽觀俄升若木枝萍實詎儔彩合扇且慙規  
北林耿初耀員窻鑒早曦照庭餘雪盡映簷溜滴垂  
徘徊匝花樹煜燦滿春池柳陰繞歷歷一作靡靡簾影復  
離離曾泉豈停舍桑榆忽在斯迴戈安得中長繩不  
可羈冲情愛景落清宴惜光馳温暉徒已荷深心竊

自知

蜨蝶行

青春已布澤微蟲應節歡朝出南園裏暮  
華葉端菱舟追或易風池渡更難羣飛終不遠還向玉堦蘭

伏挺

舟行遇早霧

水霧雜山煙冥冥不見天聽猿方村岫聞瀨始知川  
漁人惑澳浦行舟迷沂沿日中氛藹盡空水共澄鮮

湯僧濟

渫井得金釵

昔日倡家女摘花露井邊摘花還自插照井還自憐

窺窺終不罷笑笑自成妍寶釵于此落從來非一年  
翠羽成泥去金色尚如鮮此人今何在此物今空傳

劉顯

發新林浦贈同省

回首望歸塗山川邈離異落日懸秋浦歸鳥飛相次  
感物傷我情惆悵懷親懿

火中玉環

代西豐侯美人

於今辭宴語方念泣離違無因從朔鴈一向黃河飛

沈旋

詠月中飛螢

火申變腐草明滅靡恒調雨隊弗虧光陽昇反奪照  
泊樹類奔星集草疑餘燎望之如可灼攬之徒有曜

周興嗣

答吳均

驚鳧起北海儀鳳飛上林騫低不同翼歡楚亦殊音  
噎噎夕雲起落落曉星沉李陵報蘇武但令知我心

又

明燈照暗室邊韶對趙壹但酌中山酒唯甘江浦橘  
風動雲入箕雨至月離畢王丹贈不拜是我相知日

又

昔別襄城村同會長安市誰學萊蕪甑本得王喬履  
堦前養素鶴池中飴赤鯉一住玉壺上無復見簫史

朱异

還東田宅贈明離

應生背芒說石子河陽文雖有遨遊美終非沮溺羣  
曰余今卜築兼以隔囂紛池入東陂水窻引北巖雲

槿籬集田鷺茅簷帶野氛原隰何邈迤山澤共氛氲  
蒼蒼松樹合耿耿樵路分朝興候崖晚暮坐極林曛  
憑高照虹蜺臨下矚耕耘豈直娛衰暮兼得慰殷勤  
懷勞猶未弭獨有望夫君

詠貧

藝文類聚作朱超詩

觸途皆可試惟貧獨未安牕開兩片月露足一重寒  
蒿濕鋪牀冷荷脆補衣難若言為客易推劔與君彈

徐昉

觀濤

雲容雜浪起楚水漫吳流漸看遙樹沒稍見遠天浮  
漁人迷舊浦海鳥失前洲不測滄溟曠輕鱗幸自遊

長安有狹邪行

長安有勾曲勾勾不通驛塗逢二綺衣夾路訪君室  
君室近霸城易識復知名大息登金馬中息謁承明  
小息偏愛幸走馬曳長纓三息俱入門車服盡雕輕  
三息俱上堂嘉賓四座盈三息俱入戶室內有光榮  
大婦縑始呈中婦繡初營小婦多姿媚紅紗映削成  
上客且安坐胡牀妾自擎

賦得蝶依草

秋園花落盡芳菊數來歸那知不夢作眠覺也恒飛

車敕

驄馬驅

驄馬鏤金鞍柘彈落金丸意欲趨趨走先作野遊盤  
平明發下蔡日中過上蘭路遠行須疾非是畏人看

隴頭水

隴頭征人別隴水流聲咽只爲識君恩甘心從苦節  
雪凍弓弦斷風鼓旗竿折獨有孤雄劍龍泉字不滅

洛陽道

洛陽道入達洛陽城九重重關如隱霧雙闕似芙蓉  
王孫重行樂公子好遊從別有傾人處佳麗夜相逢

車遙遙

車遙遙兮馬洋洋追思君兮不可忘君安遊兮西入  
秦願將微影隨君身君在陰兮影不見君仰日月妾  
所願

謝舉

凌雲臺

綺甍懸桂棟，隱曖傍喬柯。勢高凌玉井，臨迥度金波。  
易覺涼風至，早飛秋鴈過。高臺相思曲，望遠騷人歌。  
幸屬一作矚此迢遞，知承雲霧多。

房篆

金樂歌

前溪流碧水，後渚映青天。登臺臨寶鏡，開牕對綺錢。  
玉顏光粉色，羅袖拂金鈿。春風散輕蝶，明月映新蓮。  
摘花競時侶，催指及芳年。

江革

贈何記室聯句不成

龍鱗無復彩鳳翅，於茲鍛疇昔似翩翩。今辰何乙乙

又

刻猴雖言巧，辯對今知章。且欣共卮酒，勿道濫衣裳。  
殷芸

詠舞

斜身含遠意，頓足有餘情。方知難再得，所以遂傾城。

蕭曄

奉和太子秋晚詩

副君乘暇景臨秋坐北宮杏梁照初月蓮池引夕風  
清暉洞藻井流香入綺籠鵲聲時徙樹螢光乍滅空  
涼氛散簟席露色變林叢

何敬容

詠舞

因風且一顧揚袂隱雙蛾曲終情未已含睇目增波

劉遵

和簡文帝賽漢高帝廟

分蛇綸霸迹提劍滅雄威空餘清祀處無復瑞雲飛

仙車照丹穴霓裳影翠微投珥要漢女吹管召湘妃  
幸逢懷精日豫奉沐休歸

繁華應令

可憐周小童微笑摘蘭叢鮮膚如粉白暎臉似桃紅  
挾彈雕陵下垂鈎蓮葉東腕轉飄香麝衣輕任好風  
幸承枕席選待奉畫堂中金屏障翡翠藍帕覆薰籠  
本知傷輕薄空辭羞自通剪袖恩雖重殘桃愛未終  
蛾眉詎須嫉新妝迎入宮

還頓城應令



漢水深難渡深潭見底清錦笳繫鳧舸珠竿懸翠鈴  
鳴笳芳樹曲流唱採蓮聲神遊不停駕日暮返連營  
寧顧重房裏階下綠苔生  
李太白詩舞應令  
倡女多艷色入選盡華年舉腕嫌衫重迴腰覺態妍  
情繞陽春吹影逐相思絃履度開裾禡鬢轉匝花鈿  
所愁餘曲罷爲欲在君前

七夕穿針

步月如有意情來不自禁向光抽一縷舉袖弄雙針

度關山

隴樹寒已落塞雲朝欲開谷深聲易響路狹憶難回  
當知結綬去非是棄繻來行人思顧返道別且徘徊  
願度關山鶴勞歌立可哀

蒲坂行

漢使出蒲坂去去往交河間謀敢虧對驂馬晚鳴珂  
乍作渡瀘怨何辭上隴歌

輪王相逢狹路間

春晚駕香車交輪礙狹斜所恐帷風入疑傷步搖花

含羞隱年少何因問妾家青樓臨上路相期竟路賒  
鮑至

山池

望園光景暮林觀歇氛埃荷疎不礙檝石淺好繁苔  
風花逐榜轉山望向橋開樹交樓影沒岸暗水光來

沈趨

詠霧

窈鬱蔽園林依霏被軒牖睇有始疑空瞻空復如有  
遊蛇隱遙漢文豹棲南阜既殊三五輝遠望徒懸首

詠雀

肌薄少滋腴色淺非丹翠不懼越王羞寧懷秦后珥  
傍簷葺寒草循場啄餘穗且欣大厦成焉須鴻鵠志

劉孺

侍宴餞新安太守蕭幾應令

芝殿近薄景畫堂寫油雲玄覽多該洽聖恩究前聞  
微密探精義優游妙典墳飲餞參多士言贈賦新文

相逢狹路間

送君追遐路路狹暖朝霧三危上蔽日九折杳連雲

六朝詩彙卷之八十四  
枝交憶不見靜聽吹纔聞豈伊嘆道遠亦迺泣塗分  
况茲別親愛情切念離羣

六朝詩彙卷之八十四

六朝詩彙卷之八十五

梁詩

周若水

答江學士協

弱齡愛丘壑與子亟忘歸開襟對泉石携手玩芳菲  
忽逢朝市變斯樂渺難追意氣酒中改容顏鏡裏衰  
祁寒傷暮節落景促餘暉野曠蓬常轉林遙鳥倦飛  
故友輕金玉萬里嗣音徽鄉關不可望客淚徒霑衣

大夫

和周記室遊舊京

考文苑英華是孫萬壽作

大夫愍周廟王子泣殷墟自然心斷絕何關繫慘舒  
僕本漳濱士舊國亦淪胥紫陌風塵起青壇冠蓋疎  
臺留子建賦宮落仲將書譙周自題柱商容誰表閭  
聞君懷古曲同病亦連如方知周處歎前後信非虛

薛劄顧煊

賦得露

飛空猶蘊狀集物始呈華萎黃病秋筍厭浥長春芽  
非惟溥蔓草頗亦變薰葭仍增江海浪聊點木蘭花

甄固

奉和世子春情

昨晚寒簾望初逢雙燕歸今朝見桃李不啻數花飛  
已愁春欲度無復寄芳菲

沈君攸

詠冰應教

日華照冰彩灼爍自相明陰潭欲半解陽岸已全輕  
未釋苔文隱將銷草氣生稍得觀魚上非獨見狐驚  
倘逢魏后術當驗可爲城

日暮裡風同陸廷尉驚早蟬

日暮野風生林蟬候節鳴望枝疑數處尋空定一聲  
地幽吟不斷葉動噪羣驚獨有河陽客偏嫌秋思輕

採桑

南陌落光移蠶妾畏桑萎逐便牽低葉爭多避小枝  
摘駛籠行滿攀高腕欲疲看金怯舉意求心自可知

賦得臨水

開筵臨桂水攜手望桃源花落圓文出風急細流翻  
光浮動岸影浪息累沙痕滄波自可悅濯纓何用論

採蓮曲

平川映曉霞蓮舟泛浪華衣香隨岸遠荷影向流斜  
度手牽長柄轉檝避疎花還船不畏滿歸路詎嫌賒

夜出妓

簾間月色度燭定妓成行迴身釧玉動頓履佩珠鳴  
低衫拂髮影舉扇起歌聲匣中曲猶奏掌上體應輕

羽觴飛上苑七言

上路薄晚風塵合禁苑初春氣色華石徑斷絲闌蔓  
草山流細沫擁浮花魚文熠燿含餘日鶴蓋低昂照  
落霞隔樹銀鞍喧寶馬分衢玉軸動香車車馬處處

盡成陰班荆促席對芳林  
簾杯屢動情仍暢翠樽引  
滿趣彌深山陽倒載非  
難得宜城醇醞促須斟  
半醉驪歌應可奏上客  
莫慮擲黃金

桂楫泛河中

黃河曲渚通千里濁水分流引八川  
仙楂逐源終未極蘇亭遺跡尚難遷  
眇眇雲根侵遠樹蒼蒼水氣合遙天  
波影雜霞無定色湍文觸岸不成圓  
赤馬青龍交出浦飛雲益海遠凌煙  
蓮舟渡沙轉不礙桂楫距浪弱難前  
風急金烏翅自轉汀長錦纜影微懸  
榜人欲歌先扣柁津吏猶醉疆持船  
河隄極望今如此行杯落葉詎虛傳

薄暮動弦歌

柳谷向夕沉餘日蕙樓臨砌徙斜光  
金戶半入藜林影蘭徑時飄落葢香  
絲繩玉壺傳綺席秦箏趙瑟響高堂  
舞裙拂履喧珠珮歌響出扇繞塵梁  
雲邊雪飛弦柱促留賓但須羅袖長  
日暮歌鍾恒不倦處處行樂爲時康

雙燕離雜體

雙燕雙飛雙情想思容色已改故心不衰雙入幕雙  
出帷秋風去春風歸幕上危雙燕離銜羽一別涕泗  
垂夜夜孤飛誰相知左回右顧還相慕翩翩桂水不  
忍渡懸目挂心思越路縈鬱摧折意不泄願作鏡鸞  
相對絕

王修已

九日

霜威始落翠寒氣初入堂隋珠爛如燭懸黎疑夜光  
舞步因絃折歌聲隨袂揚夜深聞漏緩簷虛覺唱長

謝微

濟黃河

積陰晦平陸淒風結暮序朝辭金谷戍夕逗黃河渚  
赤兔徒聯翩青鳥詎容與淚甚聲難發悲來袖未舉  
虛薄謬君恩方嗟別宛許

裴憲伯

朱鷺

秋來懼寒勁歲去畏冰堅羣飛向葭下奮羽欲南遷  
蹇戲龍池側時往鳳樓前所歎恩光歇不得久聯翩

劉蟾

驚早露

九畹凝芳葉百草瑩新珠盈荷雖不潤拂竹竟難枯

戴嵩

神仙篇

徒聞石為火未見坂停丸暫數盈虛月長隨晝夜瀾  
辭家試學道逢師得姓韓閬山金靜室蓬丘銀露壇  
安平醞仙酒渤海轉神丹初飛喜退鳳新學法乘鸞  
十芒生月腦六醅起星肝飛瓊播疑俗信玉類陽官

玄都宴晚集紫府事朝看謝手今為別遙憐此俗難

度關山

昔聽隴頭吟平居已流涕今上關山望長安樹如薺  
千里非鄉邑百姓為兄弟軍中大體自相裒其間得  
意各分曹博陵輕俠皆無位幽州重氣本多豪馬銜  
首蒼葉劒瑩鸛鶻膏初征心未息復值鴈飛入山頭  
看月近草上知風急笛喝曲難成笳繁響還澁武帝  
初承平東伐復西征薊門海作塹榆塞冰為城催令  
四校出倚望三邊平箭服朝來動刀環臨陣鳴將軍



一百戰都護五千兵且決雄雌眼前利誰道功名身  
後事丈夫意氣本自然來時辭第已聞天但令此身  
與命在不持烽火照甘泉

月重輪行

皇畿屬明兩副德表重輪重輪非是暈桂滿自恒春  
海珠含更滅階萁翳且新婕妤比團扇曹王譬洛神  
浮川疑讓壁入戶類燒銀從來看顧兔不曾聞鬪麟  
北堂豈盈手西園偏照人

君子行

畫野依德星開鄠對廉水接越稱交讓連樹名君子  
數非唯二失升階無三止探甑不疑塵正冠還避李  
寄言蘧伯玉無為嗟獨耻

車馬行

鞏洛風塵處冠蓋相填咽多聞魏其冷競隨田蚡熱  
輪超白虎第珂聚黃金穴獻酒悉蒲桃詡言盡飛鉄  
東郊駝已鑄西山綬應結朝集類蒸煙晚至如吹雪  
子雲爾何事門巷無車轍

從軍行

長安夜刺閨胡騎犯銅鞮詔書發隴右召募取關西  
劍懸三尺鞘鎧鼎七重犀督軍鳴戰鼓巡夜數更鞞  
侵星向柳塞際暗入榆溪秦涇合藥鳩晉火逐飛雞  
逼泉開地道望敵豎雲梯陰山日不暮長城風自淒  
弓寒拆錦韃馬凍滑斜蹄燕旗竿上脆羌笛管中嘶  
登山試下趙憑軾且平齊當令函谷上惟用一丸泥

煌煌京洛行

欲知佳麗地爲君陳帝京由來稱俠窟爭利復爭名  
鑄銅門外馬刻石水中鯨黑龍過飲渭丹鳳俯臨城

羣公邀郭解天子問黃瓊詔幸平陽第騎指伏波營  
五侯同拜爵七貴各垂纓衣風飄飄起車塵暗浪生  
舞見淮南法歌聞齊后聲揮金留客坐饌玉待鍾鳴  
獨有文園客偏嗟武騎輕

詠歌眠

拂枕薰紅氎迴燈復解衣傍邊知夜永不喚定應歸

釣竿

試持玄渚釣暫罷池陽獵翠羽飾長綸蕖花裝小緹  
鉤利斷蓴絲帆舉牽菱葉聊載前魚童過看後舟妾

褚翔

鴈門太守行

三月楊花合四月麥秋初幽州寒食罷鄭國採桑踈  
便問鴈門戍結束事戎車去歲無霜雪今年有閏餘  
月如弦上弩星類水中魚戎車攻日逐燕騎蕩康居  
大宛歸善馬小月送降書寄語閨中妾勿怨寒牀虛

王循

晨風行

霧開九曲瀆風起千金堤岸回分野逕林際成牛溪

鳧隨落潮去日傍綺霞低望日輕舟隱瑟瑟遠寒悽  
還眺小平急宴語方難齊

高允生

王子喬

仙化非常道其義出自然王喬誕神氣白日忽升天  
晻曖御雲氣飄颻乘長煙寄想崆峒外翱翔宇宙間  
七月有佳期控鶴崇崖巔永與時人別一去不復旋

百里奚歌

羈旅入秦庭始得收顯曜釋褐出輜車卓為千乘道

艷色進華容繁絃發微調居貴易素心翻然忘久要  
裝金五羊皮寫情陳所告豈徒望自傷念君無定操  
士阮研其詩雖崇古願求與却人限一古不歸歎  
擢歌行  
芙蓉始出水綠荇葉初鮮且停白雪和共奏激楚絃  
平生此遭遇一日當千年

張慄

短簫

促柱絃始繁短簫吹初亮舞袖拂長席鐘音由簾颺

已落簷瓦間復繞梁塵上時屬清夏陰恩暉亦非望

江從簡

採荷詞五言

欲持荷作柱荷弱不勝梁欲持荷作鏡荷暗本無光

蕭岑

擢歌行

桂酒旣潺湲輕舟亦乘駕鼓枻何吟吟我皇唐化  
容與滄浪中淹留明月夜

宗夬

元不草書身卷之三  
遙夜吟

遙夜復遙夜  
遙夜憂未歇  
坐對風動帷  
臥見雲開月  
封西荆州樂三首

迢遞樓雉懸  
參差臺觀雜  
城闕自相望  
雲霞紛颯沓

其二

章華遊獵去  
絕郢從禽歸  
溶溶紫煙合  
鬱鬱紅塵飛

其三

朝發江津路  
暮宿靈溪道  
平衢廣且直  
長楊鬱裊裊

別蕭諮議

別酒正參差  
乖情將陸離  
悵焉臨桂苑  
默瞻華池  
輕雲流惠彩  
時雨亂清漪  
眇眇追蘭徑  
悠悠結芳枝  
眷言終何託  
心寄方在斯

王錫

大言應令四言

欲遊五岳迫  
不得申杖千里之木  
鱗橫海之鱗

細言應令七言

冥冥藹藹離  
朱不辨其實步  
蝸角而三伏  
經針孔而  
千日

江伯瑤

和定襄侯楚越衫

裁縫在篋笥薰鬢帶餘香開着不忍看一見落千行  
到漑

餉任新安斑竹杖因贈

叩竹藉舊聞靈壽資前識復有冒霜筠寄生桂潭側  
文彩旣斑爛質性甚綢直所以天真爲有乘危力  
未嘗以過投屢經芸苗植

詠琴

寄語調絃者客子心易驚離泣已前墜無勞別鶴聲  
儀賢堂監策秀才聯句

雄州試異等揚庭乃專對顧學類括羽奇文若錦績  
到漑滋蘭成秀晚照車光赤珮攝官惡簪帶疲痾謝  
名輩盧舜乙奏飲餘列甲科光往載深奇無絕蹤孫  
董有遺槩伏挺春風涵宛轉遲光乍明昧列秀總中  
筵羣才感皇代王瑩如綸疾影響裁蒲啓矇昧彫龍  
旣已彰青紫行當佩王顒褒然旣玉響高粲亦蘭粹  
廣川良易追溜水非難配貢士光相門搜賢盡幽塞

善說理無窮借書心靡誨來彥各東西翼亮更出內  
康哉信在今伊余事耕耒

傅昭

恭職北郊

皇猷屬宮昊至德邁深淵裡望沿禮舉咸秩資化宣  
端職恭瘞祀飭躬奉嚴蠲淑氣符首節光風臨上年

江祿

津渚敗船

可愛木蘭資可憐丹桂質逐浪徒言是乘風還自失

草蔓艸長埋沙巨舫難出陸沉瓜許去無復乘流日

蕭巡

離合詩贈尚書令何敬容

伎能本無取支葉復單貧柯條謬承日木石豈知晨  
狗馬誠難盡大羊非易馴數噸既不似學步孰能真  
寔是紊朝典是日蠹彝倫俗化於茲鄙人塗自此分

蕭綜

悲落葉雜體

悲落葉連翩下重疊重疊落且飛從橫去不歸長枝

交蔭昔何密黃鳥關關動相失夕葢雜凝露朝花翻  
亂日亂春日起春風春風春日此時同一霜兩霜猶  
可當五晨六日颯已黃乍逐驚風舉高下任飄揚悲  
落葉落葉何時還宿昔共根本無復一相關各隨灰  
土去高枝難重攀

聽鐘鳴雜體

歷歷聽鐘鳴當知在帝城西樹隱落月東牕見曉星  
霧露肫肫未分明烏啼啞啞已流聲驚客思動客情  
客思鬱從橫翩翩孤鴈何所棲依依別鶴半夜鳴今  
歲行已暮雨雪向淒淒飛蓬旦夕起楊柳尚翻低氣  
鬱結涕滂沱愁思無所托強作聽鐘歌

蕭鈞

晚景游泛懷友

龍門依御溝鳳轄轉芳洲雲峰初辨夏麥氣早迎秋  
山翠餘煙積川平晚照收浪隨文鷁轉渡逐彩鴛浮  
風花轉未落巖泉咽不流一辭金谷苑空思

一作竹

林游

范雲



四氣

折柳青門外握蘭翠疏中綠蘋興春日碧渚澹時風

六朝詩彙卷之八十五



六朝詩彙卷之八十六



梁詩

謝瑱

和蕭國子詠柰花

俱榮上節初獨秀高秋晚吐綠變衰園舒紅搖落苑  
不逐奇幻生寧從吹律暖幸同瑤華折為君聊贈遠

任豫

夏潦省宅

風掉出天街星言指沈室頓楫俄毀垣惻然悼窮陌

春為發大道夏為淑潮折貴者陋懷居鄙人安朝夕  
生長數十載幸祐見衰白堂遺孤孩音庭餘筭齒迹  
入似聚族慰出為里仁惜

賀文標

詠春風

排簾動輕幃

一作慢

汎水拂垂楊本持飄落蕊翻送舞

衣香

沈繇

答何郎

歡戚邇來事聚散居常理但傷膠投漆忽作弦離矢  
形影一東西山川俄表裏執手涉梁上悲心萬端起  
方同兒女泣况此流潮水

范筠

詠慎火

茲卉信叢叢微榮未足奇何期揉香草遂得遶花池  
忘憂雖無用止燄或有施早得建章立幸藝柏梁垂

詠著

數奇不可偶性直誰能紓禎蔡伏靈異祥雲降溫腴

鮑機

伍子胥

忠孝誠無報感義本投身日暮江波急誰憐漁丈人  
楚墓悲猶在吳門恨未申

王罔

長安有狹斜行

名都馳道傍華轂亂鏘鏘道逢佳麗子問我居何鄉  
我家洛川上甲第遙相望珠扉玳瑁牀綺席流蘇帳  
大子執金吾次子中郎將小子陪金馬遨遊茂卿相

三子俱休沐風流鬱何壯三子俱會同肅雍多禮讓  
三子俱還室絲管紛寥亮大婦裁舞衣中婦學清唱  
小婦窺鏡影美妝朝霞狀佳人且少留爲君繞梁唱

褚洵

詠甘露四言頌

福以德彰慶沿業皎矧茲嘉露因祥特表翻潤星夕  
流甘日曉奇越雕氛珍逾素鳥至道伊融大化期肇  
惟茲大化寔感天眷降液丹墀飛津綺殿九服依風  
八荒改面敢述矇詞式旌舞忭

劉霽

詠荔枝

叔師貴其珍武仲稱斯美良由自遠致含滋不留齒

王孝禮

詠鏡

可憐不自識終爾因鏡中分眉一等翠對面兩邊紅

轉身先見動含笑逆相同猶嫌鏡裏促看人未好通

陸玠

詠栗

雜體

貨見珍於有漢木取貴於隆周英肇萌於朱夏實方  
落於素秋委玉盤雜椒糝將象席糝珍羞

劉燦

三婦豔

大婦裁霧縠中婦牒冰練小婦端清景含歌登玉殿  
丈人且徘徊臨風傷流霰

徐儀

暮秋望月示學士各釋愁應教

碣石寒光遠

秋色高長洲正下葉曲岸已飛濤

君王悵晚節延佇謁神臯復屬西園夜輕輦暫遊遨  
遊遨遊遨未云賞蒼梧月上枝間影合離波上光來  
往此夕未央宮應照仙人掌掌高明轉淨夜深留睿  
想處處敞高扃流照滿珠庭重輪入雅曲合璧應祥  
經燦爛浮珠網參差間玉星山幽有芳桂林靜發新  
蕓蕓開在帝城分枝共月明斜暉漸西落彌軫歸  
情驂駕且來遊聖藻命舒愁詢芻以蠲痍參妙本難  
酬良史稱大閔因時命應劉楚王追綠兕齊后出青  
丘馳原落雲翼截水曳吞舟無勞子虛宅卽事可忘

憂

徐曄

夏

炎光歇中宇清氣入房櫳晚荷猶捲綠疎蓮久落紅  
朱孝廉

白雪歌

凝雲沒霄漢從風飛且散聯翩下幽谷徘徊依井幹  
旣興楚客謠亦動周王歎所恨輕寒早不待陽春旦

一作春  
光旦

梁小廟樂歌

舞歌

闕宮肅肅清廟濟濟於穆夫人固天攸啓祚我梁德  
膺斯盛禮文槐達嚮重檐丹陛飾我俎彝潔我粢盛  
躬事奠饗推尊盡敬悠悠萬國具承茲慶大孝追遠  
兆庶攸詠

登歌

光流者遠禮貴彌申嘉饗云備盛典必陳追養自本  
立愛惟親皇情乃慕帝服來尊駕齊六轡旂耀三辰  
感茲霜露事彼冬春以斯孝德永被烝民

梁拂舞歌

翩翩白鳩再飛再鳴懷我君德來集君庭曖曖鳴球  
或丹或黃樂我君恩振羽來翔

梁鼓角橫吹曲

企喻歌辭

男兒欲作健結伴不須多鷄子經天飛羣雀兩向波  
放馬大澤中草好馬着臙牌子鐵柄檔鈺鉞鶴尾條  
前行看後行齊着鐵柄檔前頭看後頭齊着鐵鈺鉞

男兒可憐蟲出門懷死憂尸喪狹谷中白骨無人收

右四曲曲四解

瑯琊王歌辭

新買五尺刀懸著中梁柱一日三摩娑劇於十五女  
瑯琊復瑯琊瑯琊大道王陽春二三月單衫繡襦襠  
東山看西水水流盤石間公死姥更嫁孤兒甚可憐  
瑯琊復瑯琊瑯琊大道王鹿鳴思長草愁人思故鄉  
長安十二門光門最妍雅渭水從龍來浮遊渭橋下  
瑯琊復瑯琊女郎大道王孟陽三四月移舖逐陰涼

客行依主人願得主人彊猛虎依深山願得松柏長  
憎馬高纏鬃遙知身是龍誰能騎此馬唯有廣平公

右八曲曲四解

鉅鹿公主歌辭

官家出遊雷大鼓細乘犢車開後戶  
車前女子年十五手彈琵琶玉節舞  
鉅鹿公主殷照女皇帝陛下萬幾主

右三曲曲四解

紫騮馬歌辭

燒火燒野田野鴨飛上天童男娶寡婦壯女笑殺人  
高高山頭樹風吹葉落去一去數千里何當還故處  
十五從軍征八十始得歸道逢鄉里人家中有阿誰  
還看是君家松柏塚纍纍兔從狗竇入雉從梁上飛  
中庭生旅穀井上生旅葵春穀持作飴採葵持作羹  
羹飴一時熟不知飴阿誰出門東向看淚落沾我衣

右六曲曲四解

黃淡思歌辭

歸歸黃淡思逐郎還去來歸歸黃淡思逐郎何處索

心中不能言腹作車輪旋與郎相知時但恐傷人聞  
江外何鬱拂龍舟廣州出象牙作帆檣綠絲作幃繹  
綠絲何威蕤逐郎歸去來

右四曲曲四解

地驅歌樂辭

青青黃黃雀石頰唐槌殺野牛押殺野羊  
驅羊入谷自羊在前老女不嫁蹋地喚天  
側側力力念君無極枕郎左臂隨郎轉側  
摩將郎鬚看郎顏色郎不念女不可與力



右四曲曲四解

雀勞利歌辭

雨雪霏霏雀勞利長嘴飽滿短嘴饑

右一曲曲四解

慕容垂歌辭

慕容攀墻視吳軍無邊岸我身分自當枉殺墻外漢

慕容愁憤憤燒香作佛會願作墻裏燕高飛出墻外

慕容出墻望吳軍無邊岸我臣諸佐此事可惋歎

隴頭流水歌辭

隴頭流水流離山下念吾一身飄然曠野

西上隴阪羊腸九回山高谷深不覺脚酸

朝發欣城暮宿隴頭寒不能語舌卷入喉

隴頭流水鳴聲幽咽逢看秦川心肝斷絕

手攀弱枝足踰弱泥

隔谷歌

兄在城中弟在外弓無弦箭無括食糧乏盡若為活

救我來救我來

淳于王歌

右一曲

肅肅河中育育熟須含黃獨坐空房中思我百媚郎  
百媚在城中千媚在中央但使心相念高城何所妨

右二曲

地驅樂歌

月明光光星欲墮欲來不來早語我

右一曲

東平劉生歌

東平劉生安東子樹木稀屋裏無人看阿誰

右一曲

紫騮馬歌

獨柯不成樹獨樹不成林念郎錦裯恒長不志心

右一曲

捉搦歌

粟穀難舂付石臼敝衣難護付巧婦男兒千凶飽人  
手老女不嫁只生口

誰家女子能行步反着袂禪後裙露天生男女共一

處願得兩箇成翁媪

華陰山頭百丈井下有流水徹骨冷可憐女子能照影不見其餘見斜領

黃桑柘屐蒲子履中央有絲兩頭繫小時憐母大憐婿何不早嫁論家計

右四曲

折楊柳歌辭

上馬不捉鞭反折楊柳枝下馬吹長笛愁殺行客兒腹中愁不樂願作郎馬鞭出入擐郎臂蹠座郎膝邊

放馬兩泉澤忘不著連羈擔鞍逐馬走何得見馬騎遙看孟津河楊柳鬱婆娑我是虜家兒不解漢兒歌健兒須快馬快馬須健兒跋跋黃塵下然後別雄雌

右五曲曲四解

又折楊柳枝歌

門前一株棗歲歲不知老阿婆不嫁女那得孫兒抱敕敕何力力女子臨牕織不聞機杼聲唯聞女歎息問女何所思問女何所憶阿婆許嫁女今年無消息

右三曲曲四解

幽州馬客吟歌辭

快馬常苦瘦，勦兒常苦貧。黃禾起羸馬，有錢始作人。  
熒熒帳中燭，燭滅不火停。盛時不作樂，春花不重生。  
南山自言高，只與北山齊。女兒自言好，故入郎君懷。  
郎着紫袴褶，女着彩袂裙。男女共燕遊，黃花生後園。  
黃花鬱金色，綠蛇銜珠丹。辭謝牀上女，還我十指環。

右五曲曲四解

慕容家自魯公谷由歌

郎在千重樓，女在九重閣。郎非黃鸝子，那得雲中雀。

右一曲曲四解

高陽樂人歌

可憐白鼻騮，相將入酒家。無錢但共飲，畫地作交賒。  
何處碟觴來，兩頰色如火。自有桃花容，莫言人勸我。

右二曲曲四解

巴東三峽歌

巴東三峽巫峽長，猿鳴三聲淚沾裳。

又

巴東三峽猿鳴悲，猿鳴三聲淚沾衣。

浮豫歌二首

濫瀕大如馬瞿塘不可下

濫瀕大如牛瞿塘不可流

鄱陽歌二首

鮮于抄後善惡分人無橫死賴陸君

陸君政無怨家鬪既罷離共車

雍州歌

江千萬蔡五百王新車庾大宅主人憤憤不如客

始興王歌

始興王仁之爹赴人急如水火何時復來哺乳我

夏侯歌

我之有州賴彼夏侯前兄後弟布政優優

六朝詩彙卷之八十六

六朝詩彙卷之八十七

梁詩

宮閨

王金珠

子夜四時歌八首

春歌三首

朱日光素水黃華映白雪折梅待佳人共迎陽春月

其二

階上香入懷庭中花照眼春心鬱如此情來不可限

其三

吹漏不可停斷弦當更續俱作相思引共奏同心曲

夏歌二首

玉盤佇朱李金杯盛白酒本欲持自親復恐不甘口

其二

垂簾捲煩熱卷幌乘清陰風吹合歡帳直動相思琴

秋歌二首

疊素蘭房中勞情桂杵側朱顏潤紅粉香汗光玉色

其二

紫蕊垂玉露綠葉落金櫻着錦如言重衣羅始覺輕

冬歌一首

寒閨周黼帳錦衣連理文懷情入夜月含笑出朝雲

阿子歌

可憐雙飛鳧飛集野田頭饑食野田草渴飲清河流

丁都護歌

黃河流無極洛陽數千里輶軻戎旅間何由見歡子

子夜變歌

七綵紫金柱九華白玉梁但歌繞不去含吐有餘香

上聲歌

花色過桃杏名稱重金瓊名歌非下里含笑作上聲

歡聞歌

艷艷金樓女心如玉池蓮持底報郎恩俱期遊楚天

歡聞變歌

南有相思木合影復同心遊女不可求誰能惜空陰

團扇歌

手中白團扇淨如秋團月清風任動生嬌香承意發

包明月

前溪歌

當曙與未曙百鳥啼牕前獨眠抱被歎憶我懷中儂  
單情何時雙

徐悱妻劉氏

班婕妤怨

樂府詩集作王叔英妻沈氏作

日落應門閉愁思百端生况復昭陽近風傳歌吹聲  
寵移真不恨讒枉太無情只言爭分理非妬舞腰輕

春閨怨

花庭麗景斜蘭牖輕風度落日更新妝開簾對春樹



鳴鸝葉中舞戲蝶花間驚調琴本要歡心愁不成趣  
良會誠非遠佳期今不遇欲知幽怨多春閨深且暮

答唐娘七夕所穿針

倡人効漢女靚粧臨月華連針學並蒂縈縷作開花  
嬌閨絕綺羅覽贈自傷嗟雖言未相識聞道出良家  
曾停霍君騎經過柳惠車無由一共語暫看日升霞  
有期不至

黃昏信使斷銜怨心悽悽迴燈向下榻轉面暗中啼

夢見故人

覺罷方知恨人心定不同誰能對角枕長夜一邊空

代陳慶之美人爲詠

臨粧欲含涕羞畏家人知還代粉中絮擁淚不聽垂  
題甘蔗葉示人

夕泣似非疎夢啼太真數唯當夜枕知過此無人覺  
摘同心梔子贈謝娘因附此詩

兩葉雖爲贈交情未未因同心何處恨梔子最關人

光宅寺

長廊欣目送廣殿悅逢迎何當曲房裏幽隱無人聲

聽百舌

庭樹旦新晴臨鏡出雕楹風吹桃李氣過傳春鳥聲  
靜寫山陽笛全作洛濱笙注意歡留聽誤令粧不成

詠佳人

東家挺竒麗南國擅容輝夜月方神女朝霞喻洛妃  
還看鏡中色比艷似知非搗辭徒妙好連類頓乖違  
智夫雖已麗傾城未敢希

范靜妻沈氏

昭君歎二首

早信丹青巧重覓洛陽師千金買蟬鬢百萬寫蛾眉

又

今朝猶漢地明日入胡關情寄南雲反思逐北風還

一作高堂歌吹  
送遊子夢中還

詠步搖花

珠華縈翡翠寶葉間金瓊剪荷不似製為花如自生  
低枝拂繡領微步動瑤瑛但令雲髻插蛾眉未易成

戲繡娘  
藝文類聚  
作戲繡娘

明珠翠羽帳金薄綠綃帷因風時暫舉想像見芳姿

清晨掃步趨向晚解羅衣託意風流子佳情詎可私

詠五彩竹火籠

可憐清綺縠纖剖復毫分織作迴風莒制為縈綺文  
含芳出珠被曜彩接湘裙徒嗟今麗飾豈念昔凌雲

詠燈

綺筵日已暮羅幃月未歸開花散鶴采含光出九微  
風軒動丹焰水宇澹清輝不畏輕蛾繞惟恐曉蠅飛

當壚曲

一作挾琴歌

逶迤飛塵唱宛轉遠梁聲調絃可以進蛾眉畫未成

登樓曲

憑高川陸近望遠阡陌多相思隔重嶺相憶恨長河

越城曲

別怨悽歌響離啼濕舞衣願假烏棲曲翻從南向飛

映水曲

輕鬢學浮雲雙蛾擬初月水澄正落釵萍開理垂髮

晨風行

理檝令舟人停艫息旅薄河津念君劬勞冒風塵臨  
路揮袖淚沾巾飈流勁潤逝若飛山高帆急絕音微

留子句句獨言歸中心  
筑筑將依誰風彌葉落永離  
索神往形返情錯漠循帶易緩  
愁難却心之憂矣頗

銷鑠

王叔英妻劉氏

昭君怨

一生竟何定萬事良難保  
丹青失舊儀玉匣成秋草  
想妾辭關淚至今猶未燥  
漢使汝南還殷勤為人道

暮寒

梅花自爛熳百舌早迎春  
逾寒衣逾薄未肯惜腰身

贈夫雜體

粧鉛點黛拂輕紅鳴環動珮出  
房櫳看梅復看柳淚  
滿春衫中

僧

藏法師

奉和武帝三教詩

心源本無二學理共歸真  
四執迷叢藥六味增苦辛  
資緣良雜品習性不同循  
至覺隨物化一道開異津  
大士流權濟訓義乃星陳  
周孔尚忠孝立行肇君親

老氏貴裁欲存生由外身出言千里善琴為窮世珍  
坦空非即有三明似未臻近識封岐路分鑣疑異塵  
安知悟云漸究極本同倫我皇體斯會妙鑒出機神  
眷言總歸轡迴照引生民顧惟慙宿殖邂逅逢嘉辰  
願陪入明解歲暮有攸因

釋法泰

遘疾

廣弘明集作陳僧智愷臨終詩

千秋本難滿三時理易傾石火無恒燄電光非久明  
遺文空滿笥徒然昧後生泉露方幽噎寒隴向淒清

一隨朝露盡惟有夜松聲

釋智才

送別

鏡中辭舊識灞岸別新知年來未應老祇為數經離

釋慧令

和受戒

沈寥秋氣爽搖落寒林疎風散飛廉雀浪動昆明魚  
是日何為盛證戒奉皇儲願陪升自在神通任卷舒

一三五七九言

遊愁赤縣遠丹思抽鷺嶺寒風駛龍河激水流既喜  
朝聞日復日不覺年頽秋更秋已畢者山本願誠難  
住終望持經振錫往揚州

聯句

東城門病

空痾誠易愈有病故難痊徒知餌五色終當悲九泉  
王臺卿已無雪山草沉痾竟誰憐復悲瀹苦海何由  
果淨天諸葛嶮

南城門老

類紅蓮草自翫綠池邊今如白花樹還悲明鏡前  
殿下壯心欲何在餘日乃西遷清罇不復樂蓬鬢豈  
遠妍徐防

又

盛年歌吹日顧步惜容儀一朝衰朽至星星白髮垂  
孔燾已傷萬事盡復念九門枝垂軒意何在獨坐竟  
如斯

西城門死

一息於今罷平生詎可規天長曉露促千齡誰復知

殿下華堂一相舍松帳杳難窺萬祀藏珠應千年罷  
玉羈徐防

北城門沙門

深心不可染正道亦難欲方除五欲累長辭三雅卮  
王少卿依空慮難靜習善路猶弘沒身竟靡託單孟  
詎侍貲諸葛愷

梁時童謠

寧逢五虎入市不欲臨賀父子

武帝時謠

鹿子開城門城門鹿子開當開復未開使我心徘徊  
城中諸少年逐歡歸去來

大同中童謠

青絲白馬壽陽來

梁末童謠

可憐巴馬子一日行千里不見馬上郎但有黃塵起  
黃塵汗人衣卓茨相料理

下筆堂一州公公...

...

...

...

六朝詩彙卷之八十七

青絲白...

...

...

...







